

Testuak lantzen

1 Irakurgaia

BISTA ZORAGARRIAK

Mendizale handia zen Martxelo. Udazkenean hartzen zituen urtero oporrak, mendira joateko. Mendian bezain lasai eta pozik ez omen zen beste inon ibiltzen. "Hango bakerik ez dut beste inon aurkitzen", esaten zuen maiz. Urte batean Suizara joatea erabaki zuen. Eskalada egingo zuen han eta, bide batez, leku zoragarriak ikusiko zituen.

Lehenbiziko egunetan mendi errazetan ibili zen. Astebete pasatu ondoren, mendi gogorrago bat eskalatzea pentsatu zuen. Arriskutsuegia zen, ordea, hara bakarrik joatea eta, bada ezpada ere, bertako gidari bat hartu zuen, eskarmentu handiko eskalatzaile bat.

Goiz abiatu ziren hurrengo goizean, urruti samar baitzegoen mendi hura. Inguruetako bistak goratzen eta txalotzen pasatu zuen Martxelok bide guztia, suizarrari gusto emateagatik edo...

—Bai leku politak —esaten zuen behin eta berriro—, zein ederrak diren!

Esandako mendira iritsi zirenean, eskalatzen hasi ziren berehala. Hasieran erraza zen igoera. Nahiko arin abiatu ziren arroketan gora, gidaria aurretik eta Martxelo ondotik. Gora igo ahala, ordea, gogorrago egiten zen aurrera egitea. Halako batean leku zabal batera iritsi ziren. Suizarra gelditu, Martxelogana jiratu eta honela esan zion:

—Arretaz ibili orain. Leku zaila da hau. Pausua ematerakoan gogor eutsi behar zaio arrokarari...

—Lasai, gizona, ez naiz eroriko.

—Hobeto, bai, ez erortzea. Akabo bestela...

Pixka batean isildu, beherantz begiratu eta honela segitu zuen gero serio-serio:

—Hori bai, *erortzen bazara*, gogoan hartu hau: horko arroka handi horren parean pasatzerakoan begiratu eskuin aldera, izugarri bista politak ikusiko dituzu!

igo ahala: conforme iban subiendo

❖ a. Aurkitu testuan hitz edo esaldi hauen antzekoak:

atzetik
harkaitz

zailago
kontuz

esperientzia
lehenbizian

eder-ederrak!
buelta hartu

→ **b. Erantzun:**

1. Zenbat lagunekin joan zen Martxelo Suizara?
2. Zertara joan zen haraino?
3. Mendian gora zihoazela, zer esan zion gidariak Martxelori?
4. Erortzen bada, zer gertatuko zaio Martxelori?
5. Erortzen bada, den-dena txarra izango al da Martxelorentzat, gidariaren ustez?

→ **c. Amaitu Martxelok eta gidariak arrokan gora doazela izandako elkarrizketa:**

Gidariak: —Hemendik aurrera

Martxelok: —Bai, hala

Gidariak: —Oso leku

Martxelok: —Lasai, gizona, ez

Gidariak: —Erortzen ba

Martxelok: —Ezetz, bada, ez

Gidariak: —Bai, baina, erortzen ba

→ **d. Bete itzazu hutsuneak:**

Suizara joan da Martxelo oporretara. Hotelera ... , gidari bat eskatu du. Mendi handietara ... asmoa du eta ez du bakarrik joan Gidari on baten izena eman diote hotelean. Telefonoz deitu dio Martxelok gidariari eta hau, eskaria entzunda, poztu egin da, aspaldi honetan lanik gabe baitzegoen. Hori bai, dirua bada ezpada ere aurretik kobratzen duela esan dio, abiatze...; izan ere, leku zailetan ibiliko dira eta jende asko geratzen omen da han betirako, arroketan behera erorita.



2 Irakurgaia

ERDIAK LANGILE

Ikasketak amaitu zituenean lan bila hasi zen Gorka, normala denez. Artean ez zeukan garbi zer nahi zuen. Enpresa pribatua sartzea ez zen gauza erraza, baina are zailagoa zen funtzionari-postua aurkitzea. Pribatua diru gehiago irabazteko aukera izango zuen; funtzionari izanda, berriz, lanpostua segurua zeukan bizitza guztirako.

—Onena duzu nik bezala egitea —esaten zion osaba Ricardok—. Begira, hogei urte daramatzat nik funtzionari eta ez zait damutzen. Prestatu ondo oposizioak eta ea suerteak laguntzen dizun.

Ondo pentsatuta, ez zebilen guztiz oker osaba Ricardo. Oposizioak gainditzen zaila zen, hori bai, jende asko aurkezten baitzen; baina saiata ez zuen ezer galduko eta oposizioa gaiak ikasten hasi zen Gorka.

Suerte handia izan zuen. Buruz zekizkien gaiak atera zitzaizkion eta ederki egin zituen ariketa guztiak.

—Zorionak, Gorka —deitu zion osabak pozik handik egun gutxira—, lortu duzu plaza! Oposizioetan lehena izan zara eta bulego eroso batera bidali zaituzte. Kultura ordezkartzan hasi behar duzu datorren astean.

Hitzik gabe geratu zen Gorka, pozaren pozez.

—Oso pozik nago, Gorka —jarraitu zuen osabak—. Izugarri poztu nau iloba batek nire pausuak jarraitu dituela ikusteak.

Aste batzuk igaro ziren. Gau batean Gorkaren etxean agertu zen osaba Ricardo, afaltzeko asmotan. Galdera asko egin zizkion ilobari lan berriari buruz. Osabak galdetu eta ilobak erantzun, luze aritu ziren hizketan.

—Eta —galdetu zion halako batean—, zenbat jendek egiten du lan zuen bulegoan?

—Gurean? —pentsakor geratu zen pixka batean iloba—. Erdiak edo....

a. Aurkitu testuan hitz edo esaldi hauen antzekoak:

orduan	argi	modua	aurrena	ahalegindu
urrats	hara	isilik	pasatu	aprobatu

b. Erantzun:

1. Zer alde on dauka enpresa pribatua aritzeak? Eta publikoan aritzeak?
2. Beldur zen Gorka ez ote zituen oposizioak gaindituko. Zergatik?
3. Zergatik egin zituen ondo ariketa guztiak?
4. Oposizioak egin eta berehala hasi al zen lanean?
5. Plaza guztiak beharrezkoak al ziren haren bulegoan?

c. Testua jarraituz, amaitu ondoko elkarrizketa honetako esaldiak:

- Osabak: —Aste batzuk badira
Ilobak: —Bai eta oso esan behar dut.
Osabak: —Lan handia ?
Ilobak: —Bai, niri behintzat ez
Osabak: —Eta zenbatek ?
Ilobak: —Lan egin? Erdiak baizik ez. Besteek.....